



10. januar 2007

Inatsisartut Suleriaasissaanni § 36 imm. 1 naapertorlugu apeqqutit uku Naalackersuisunut apeqqutigaaqka:

Naalackersuisunut apeqqutit Nukik Seafood A/S-imit aamma Sigguk A/S-imit qalerallit pisarineqarsimasut angissusiat pillugu.

(Inatsisartuni ilaasortaq Jens B. Frederiksen, Demokraatit)

Pissutigisaq:

Naalackersuisut akissutaannut 5. januar 2007-imeersumut qujavunga, tassani takuneqarsinnaammat Nukik Seafood A/S-ip aamma Sigguk A/S-ip qalerallit pisarineqartussatut tunniunneqarsimasut amerlanersaat pisarisimagaat.

Akissummilli takulertornarpoq qalerallit pisarineqarsimasut amerlanersaat mikisuaammata. Tassa Nukik Seafoodimit pisarineqarsimasut 79 %-ii kiilu ataallugu oqimaassuseqaramik. Sigguk A/S-imit pisarineqarsimasut 77 %-ii kiilu ataallugu oqimaassuseqarput. Taamaallaat 2 % missiliorlugit 2 kiilumit oqimaannerupput.

- Naalackersuisut biologiskiusumik attassisinnaassusermut aarlerinangitsutut isiginerlugu qalerallit pisarineqarsimasut agguarnerat taama angitigisoq kiilu inorlugu oqimaassuseqarmata?
- Taamaappat: Naalackersuisut akissutertik sumik tunngaveqartippaat?
- Taamaangippat: Naalackersuisut tassunga tunngasumut qanoq iliornialersaarpat?

Naalackersuisut aamma akissutiminni oqaatigaat qalerallit tamarmik Nukik Seafood A/S-imit pisarineqarsimasut, 26 tonsit Qaqortumut nassiunneqarsimasut pinnagit, Nuummi qerititsivimmi ittit Arctic Green Food A/S-ip maskiinamik nerpiiaammik ikkussinissaa utaqqillugu, kiisalu aamma qerititsivimmik saattukujuumik anginerusumik nerpinnik nioqqutissiukkanik qerititsisussamik ikkussinissaq utaqqillugu. Naalackersuisut aamma naatsorsuutigaat Qaqortumi qaammatini 2-3-ni suliffinnik 6-nik pilersitsisoqassasoq. Assammik nerpiiaanikkut qaammatini 5-ni suliffiit 16-it pilersinneqarsinnaagaluarput, tamannali Nukik Seafood A/S-imut imminut akilersinnaanngilaq.

Piomasarineqarmat qalerallit pisarineqartut Qaqortumut tunniunneqassasut nunami suliffissanik amerlanerusunik pilersitsinissaq tunngavigineqarpoq, taamaattumik apeqqutit uku ilassutigissallugit pissutissaqarpoq:



- Pisassarititat Nukik Seafood A/S-imut tunniunneqarmata Naalakkersuisut suliffissat qassit naatsorsuutigisimavaat?
- Naalakkersuisut naatsorsuutigisaat eqquutsinneqarsimava? Akissut inussiarnersumik tunngavilersoqquneqarpoq.
- Naalakkersuisut isumaat tassaanerluni angallannerat, toqqorsimanerat, nerpiihammut nutaamut atortunullu allanut aningaasaliinerit qaammatini 2-3-ni suliffinnut 6-nut nallersuussinnaasut, qalerallit taakku amerlaqataat suliffissuarni Qeqertarsuup tunuani pioreersuni suliffinnik atatitseqataasinnaagaluartut? Akissut inussiarnersumik tunngavilersoqquneqarpoq.
- Sigguk A/S-imit pifarineqarsimasut suliffinnik qassinik pilersitsiffiusimappat?
- Pisassarititat Sigguk A/S-imut tunniunneqarmata Naalakkersuisut suliffissat qassit naatsorsuutigisimavaat?
- Naalakkersuisut naatsorsuutigisaat eqquutsinneqarsimava? Akissut inussiarnersumik tunngavilersoqquneqarpoq.

Inussiarnersumik apequtigineqartut tuaviornerpaamik akeqquneqarput ulloq 25. januar 2007 killingalugu.

Inussiarnersumik,

Jens B. Frederiksen, Inatsisartuni ilaasortaq
Demokraatit